



Inatsisartut Inatsisinut Ataatsimiititaliaat
/Maani

UKA 2016/117
Ilannugsaq

Qaasuitsup Kommunian angeqatigiinnut marlunnut avinneqassaaq.

Immikkoortoq 2016/117-ip, Uunga siunnersuut: Kommunini suliassaqarfiit aqqissuuteq-qinneqarnerata allannortinneqarneranik Inatsisartut inatsisaat nr. xx, xx,xxx 2016-i-meersoq, aappassaanneeraneqannginnerani Inatsisinut Ataatsimiititaliap isumaliutissiisutaanut atatillugu, pingajussaannerinissaq sioqqullugu Naalakkersuisut kaammattorneqarput, Qaasuitsup Kommuniata marlunnut avinneqarnerani innuttaasut amerlassusaat aningaasaqarnerlu eqqarsaatigalugit, taakkunungalu akileraartarnermut tunngavissat ilannugullugit, sapinngisamik assigiimmik, innuttaasut maanna atugaannik ajorseriartitsingitsumik avitsinissamat periarfissat suunersut nassuiaateqaqqullugit.

Tassunga ilannugullugu aamma Ataatsimiititaliap kissaatigaa, kommuni avinneqarpat naliinnerusumik avitsinissaq anguneqarsinnaanersoq nassuiaasoqassasoq

- 1) Qaanaap Kommunerisimasaanut, Upernaviup Kommunerisimasaanut, Uummannap Kommunerisimasaanut aamma Ilulissat Kommunerisimasaanut
- 2) Qeqertarsuup Kommunerisimasaanut, Qasigianguit Kommunerisimasaanut Aasiaat Kommunerisimasaanut aamma Kangaatsiap Kommunerisimasaanut.

Naalakkersuisut matuma kinguliani titartakkat kissaatigineqartut saqqummiuppaat, tamatumungalu atatillugu Naalakkersuisut inatsisissatut siunnersuut saqqummiutereermassuk eqqaasitsissutigineqassaaq, tassungalu Qaasuitsup Kommuniata kissaateqarnera malillugu kommunit ilusissaat, aalajangiinissaq sioqqullugu BDO-mit nalunaarusiami kommunit ilusissaat assigiinngitsut pingasut saqqummiunneqartut ilaatinneqarput.

Naalakkersuisut naliliinerat malillugu kommunit allatut ilusilerneqarnissaat naapertuutinnilaq.

Aningaasartuutaanerusussanut aningaasaleeqataaneq

Inatsisinut Ataatsimiititaliap siunnersuutip aappassaanneeraneqarnissaanut isumaliutissiissutimi inassutigaa, kommunip avinneqarneranut aningaasartuutaanerusussat kommuninit nutaanit marluusunit inuiaqatigiinnillu tamarmiusunit assigiimmik avinneqassasut.

Tamatuma kingunerisaanik Aningaasanut inatsimmi 2017-imut 5 mio. koruunit aamma 2018-imut 3 mio. koruunit, tassalu ataasiartumik aningaasartuutissatut naatsorsuutigineqartut 50 %-ii siunertamat immikkoortinneqassapput.

Avinneqarnerup kingorna kommunit nutaat marluusut ingerlaavartumik ingerlatsinerannut aningaasartuutaanerusussanut tunngatillugu, taakku siunissami kommuninut ataatsimoorussamik nalimmassaanermullu tapiissutit naatsorsornissaannut najoqqutassiamut ilaassapput.

Qaasuitsup Kommuniata kommuninut angeqqatigiinnut marlunnut avinneqarnissaa

Innuttaasunut tunngasut

1. januar 2016-imi innuttaasut amerlassusaat:

16-11-2016
Suliap nr. 2016 - 12495
Dok. nr. 3989605

Postboks 909
3900 Nuuk
Tlf. (+299) 34 50 00


E-mail: ISAN@nanoq.gl
www.naalakkersuisut.gl

Aasiaat-Kangaatsiaq-Qeqertarsuaq-Qasigiannuit: $3.353 + 1.172 + 866 + 1.115 = 6.506$
 Ilulissat-Uummannaq-Upernavik-Qaanaaq: $4.803 + 2.196 + 2.834 + 761 = 10.594$
 Qaasuitsumi katillugit: $6.506 + 10.594 = 17.100$
 Affaat = 8.550

Uummannaq Kujallermut ilanngullugu: $6.506 + 2.196 = 8.702$
 Ilulissat-Upernavik-Qaanaaq: $4.803 + 2.834 + 761 = 8.398$

Taamaalilluni kommunit angeqqatigiingajalissapput.
 Ilutsit allat sukumiisumik misissorneqarnissaat atorsinnaasutut isikkoqanngillat. Takuuk ilusiliaq 5.

Kommunini angeqqatigiinni marluusuni 1977-2016-imi innuttaasut ineriartomerisa titartarneqameqameri ilusiliaq 1-imi takutinneqarput.




Ilusiliaq 1.

Kommunini titartakkani takutinneqartuni marluusuni 2010-2016-imi ineriartorneq assigii-kannersimavoq.

Aningaasaqarnikkut


Ilusiliaq 2-mi kommunini titartakkani takutinneqartuni isertitat akileraarutaasussat katin-neri takutinneqarput.
 Kisitsisit taamaallaat 2009-mi kommunit kattunneqarnissaat tikillugu 2008 ilanngullugu killeqarput.



Ilusiliaq 2.

Kommunini titartakkani takutinneqartuni marluusuni 2004-2008-mi isertitat akileraarutaasussat katinneri assigiikannerput ineriartornerallu assigiikannerluni. 2009-miit isertitat akileraarutaasussat katinneri qanoq isikkoqarsimanersut Naatsorsueqqissaartarfiup kisitsisinik paasissutissiivianit kisitsisitigut takussutissaqanngilaq.


Ilusiliaq 3-mi kommunini titartarneqartuni marluusuni 2002-2015-imi inuit isertitaasa akileraarutaasussat agguaqatigiissinneqarneri assigiikannersimasut assigiimmillu ineriartorsimasut takutinneqarpoq.




Ilusiliaq 3.

Ilusiliaq 4-mi kommunini titartarneqartuni marluusuni 2002-2015-imi inoqutigiinni isertitat (ilanggaasi-gaangngitsut) agguaqatigiissinneri assigiikannersimasut ineriartornerilu assigiissimasut takutinneqarpoq.

Inoqutigiit isertitaat (ilanngaasigaanngitsut) (2002-2015)



Ilusiliaq 4.



Ilusiliaq 5.

Inussiarnersumik inuulluaqqusillunga
Martha Lund Olsen

Martha Lund Olsen